



ZAPOSŁJAVANJE OSOBA SA INVALIDITETOM PRAVA I OBAVEZE POSLODAVACA

Olakšice koje kao poslodavac mogu koristiti u skladu sa Zakonom o profesionalnoj rehabilitaciji, osposobljavanju i zapošljavanju osoba sa invaliditetom ("Službene novine FBiH", broj: 9/10) u Federaciji BiH:

- ✓ Imam pravo na novčani stimulans kojeg dodjeljuje Fond za novo zapošljavanje jedne ili više osoba sa invaliditetom čiji je stepen invaliditeta 60% ili više. Sredstva novčanog stimulansa su jednokratna materijalna davanja kojima mogu pokriti troškove:
 - Prilagodba radnog mjesta i uslova rada potrebama osoba sa invaliditetom
 - Adaptacija prostora i nabavka specijalnih pomagala i opreme u skladu sa potrebama osobe sa invaliditetom u radu
 - Nabavka sredstava za rad osobe koja se zapošljava
 - Nabavka sirovina i repromaterijala
 - Sufinansiranje naknade asistentu u radu

Iznos novčanog stimulansa koji može biti dodijeljen za zapošljavanje osobe sa invaliditetom po javnom pozivu okvirno kreće se u rasponu od **9.000,00 – 19.800,00 KM**, ovisno o stepenu invaliditeta, periodu na koji se zapošljava osoba, te da li se zapošljava pod općim ili posebnim uslovima.

- ✓ Imam pravo na poreske i carinske olakšice, utvrđene poreznim i carinskim propisima.
- ✓ Ukoliko na svakog 16-og radnika zapošljavam jednu osobu sa invaliditetom oslobođen sam plaćanja posebnog doprinosa za zapošljavanje osoba sa invaliditetom u iznosu od 25% od prosječne plaće u FBiH. Na ovaj način, ukoliko na 16 radnika zaposlim jednu osobu sa invaliditetom, na godišnjem nivou ostvarujem uštedu u troškovima poslovanja od **cca 3.500,00KM** (Član 18. Zakona).
- ✓ Ukoliko zapošljavam manje od 16 radnika, a imam zaposlenu barem jednu osobu sa invaliditetom, oslobođen sam obaveze uplate posebnog doprinosa u visini od 0,5% od iznosa isplaćene mjesečne bruto plaće svih zaposlenih (Član 19. Zakona).

Ukoliko nisam u mogućnosti zaposliti osobe sa invaliditetom, uplatom posebnog doprinosa prema članu 18. i 19. Zakona, moj novac će biti direktno uplaćen na račun Fonda i namjenski utrošen za zapošljavanje i rehabilitaciju osoba sa invaliditetom!

Poslodavac koji ne izvrši svoje obaveze u skladu sa Zakonom o profesionalnoj rehabilitaciji, osposobljavanju i zapošljavanju osoba sa invaliditetom, bit će **novčano kažnjen sa 1.000,00 KM do 15.000,00 KM**.